

卷〇七七〇一 京字

卷〇七七〇二 京字

卷〇七八五六 星字

卷〇七八五七 星字

永樂大典

永樂大典卷之七千七百一

十九庚

京

南京

地理通釋唐肅宗實錄至德二年改蜀郡爲南京以荆虔使即都州曰江使府其蜀郡先爲南京宜後爲蜀郡南京應天府關

伯所居商丘周爲宋國漢爲梁國隋唐爲宋州太祖以歸德軍節度使即位定有天下之號曰宋景德三年升應天府祥符七年升南京正統曰辟德高宗即位于此宋會要真宗景德三年二月詔曰睢陽與區平臺舊壤兩漢之盛並建於戚藩五代以還存升於節制地望雄於征鎮疆理接於神州實都畿近輔之邦乃帝業肇基之地恭惟聖祖誕慶鴻圖爰於歷試之初眷頤元戎之寄謳謠所集符命存臻殆茲累朝俯同列郡式昭茂烈宜錫崇名用彰神武之功且表興王之盛宜升爲應天府宋城縣爲次亦寧陵楚丘拓城下邑穀熟虞城等縣並爲次畿大中祥符七年正月二十九日詔曰睢水名區實一方之都會商丘與壤爲三代之舊邦形勢表於山河忠烈存於風俗惟文祖之歷試蓋王命之初基今者伸款謁於櫓庭

既揚茂則徇侯來於竹苑方需湛恩期克壯帝猷俾肇所京邑用志興王之地允符追孝之心應天府宜升爲南京正殿以歸德爲名咨爾都民承予世德慶靈所佑感悅良多二月一日詔名南京門曰崇禮雙門曰祥輝外西門曰迴鑾三日以主客郎中知應天府馬元方兼南京留守司事合置官屬名目下審官院流內銓一如西京之式三月十三日詔名南京城大東門曰昭仁小東門曰延和小西門曰順成北門曰靖安新隔門曰承慶仁宗慶曆五年九月十八日置南京留司御史臺無翼詔謀真宗皇帝東封西祀思顯先烈大中祥符七年正月乙卯詔升應天府爲南京建行宮正殿以歸德爲名以聖祖殿爲鴻慶宮奉太祖太宗像侍立於聖祖之旁其後遂開高宗皇帝中興之祥殆非偶然者宋史列傳朱勝非靖康元年爲東道副總管權應天府金人攻城勝非逃去會楊進破敵後還視事踰年詣濟州謁康王言南京爲藝祖興王之地請幸之以圖大計王即位南京建炎改元夏文莊公集乞修南京內狀右臣伏覩大中祥符七年二月一日敕勅節文應天府升爲南京正殿以歸德爲名臣到職後躬詣大內謹視完齋其正南內門上有先朝題其榜曰重熙頒慶之門樓皆損動其下只是依舊雙門未變列郡之制雖有兩觀雉堞又無桑樓內城之

中並無歸德之致但是顏垣茂草內有真宗皇帝御製御書南京頒駐蹕詩碑石一片小屋遮蔽未曾建立其東北隅小亭子一座內有先皇御製御書駐蹕詩四首粉版門牆不嚴塵埃所闇臣職在居守理合奏陳者伏以崗丘仰當大火寶勢形勝佳氣鬱蔥藝祖肇基之邦聖朝根本之地發祥薦祉應天順人由七十里而興天乙是資於景毫累三十世之王文昌始大於岐周用建名都寔陪上國與中天而對峙金洛宅以相望至于官局解居咸從改革而乃闕廷宮掖悉未繕修漢啓南陽之都唐重北門之館並資壯麗以示威神况茂陵之餘烈方宣真廟之鳴鑾未遠必欲仰模太紫上憲俯取備九寢之儀敵千門之式慮煩力役或有費財征臣今乞依先朝勅旨只創歸德一殿安駐蹕詩版又以宮室之儀門闕爲重猶取諸侯之制未成王者之都欲乞於南端闢正門三闕東西增築樓二座所貴它工至鮮不日可成仍乞選差八作司臣寮將帶工匠到此計度却於東京木場事造材植繫抵浮汴赴當京修蓋伏望聖慈特賜開可所貴宮闕之度稍合於彝章祖始之基益隆於景命有光鴻祚永膺皇圖歐陽公

集南京謝上表

皇祐二年七月

臣某言伏蒙聖恩就差臣知應天府兼南京留守司事臣已於今月二十四日赴上訖者守宮鑰之謹嚴敢忘夙夜

布政條之纖悉上副恩憂寄任非堪兢營並集臣某中謝伏念臣賦才庸
薄稟數奇屯毀譽交興兩嘗過實寵榮踰分動輒招尤念報效之未伸敢
不竭忠而盡瘁困風波之可畏則思遠去以深藏迨此六年外更三守學
偷安而杜口負素志以媿心朽質易衰已凋零於齒髮良時難得尚希慕
於功名豈謂皇慈未捐舊物擢從支郡委以名都惟此別京舊當孔道薄
領少勤於職事厨傳取悅於路人苟循俗吏之所爲雖能免過非有古人
之大節未足報君梅聖俞宛陵集送王宗說寺丞歸南京晏歲欲飛雪
滿天含凍雲犯寒單騎速獵吹紫裘薰庭鵲還先喜池鴻去始聞公應問
貧賤善說莫如君送韓簽判王汝還南京持賀太極表天子甘泉祀歡
聲決九圍綠章馳騎入朱服佩魚歸賦雪上賓席買鬟更舞衣清池無限
鴈莫道信音稀虞衡尊白堂集過南京三蘇當日振英華下榻相看意
已佳太息樂全無復見舊廬聞蜀女真家許綸詩宿南京詢訪賓有戍兵
三十八宋城城下縣虛說胡屯五萬兵淒涼無復舊南京中天王氣終當
復千古封疆只宋城洪适盤洲集次韻南京道中密葉成陰行路寬鵲
鳴鴛鴦足開顏半塗泥滑夜來雨數片雲飛何處山薄暮每尋樽俎共殘
春能伴節旄還塵襟好濯西湖水偷取禪房一日閑送劉元忠學士還

南京 昔見相公登瀛洲。今見公子爲校讎。鯤鵬變化三十載。我生安得
不白頭。君前拜恩父前慶。暫向南都承順流。南都留守頗爲喜。將吏入賀
靴聲過。酒昇銀篋羊羹炙。上下和煦移涼秋。歸來却上柳堤路。西風健馬
控花虬。曾十詩送孫莘老移知南京 稚年曾未覩風標。瀚海初聞授俊
髦。國子先生曾並席。曾在胡先生講下 蓬萊學士看揮毫。量涵萬頃滄溟
濶。氣吐千尋太華高。達性妙思窮孔孟。公有十達達性是其一也。指南餘
藻屈雄褒。兩雅之指駐談經落落鑑適鐸作五講飛步僊僊踏海鰲誠館
賦忠力敢前。輕履尾剛勝。一快吹毛歸來。有意成陶賦。謫去無言吊楚
騷。志不下人寧碌碌。時非知我但囂囂。吳江春水尋幽寺。知湖州越嶺秋
風聽怒濤。移知福州宣室鬼神靈語斷長安鍾鼓夢思勞 廣陵南隔迷桑
梓。泗水東來照節旄。知徐州 威憺四隅消警吠。惠流比屋樂耕縹。真仙應
祝通時澤。朽骨平寬息夜號。蕭洒幅巾忘夢覺。清涼丈室笑煙膏。淮陽大
節孤尤峻。吏部雄材晚更豪。濫使執經稱弟子。虛煩解榻下功曹。曾迷馬
祖山前鹿。頻悟華亭水底鰲。細札忽聞更昇翰。高牙俄見列弓刀。照回天
子今方晤。怒拂龍顏昔未遭。屈指陪京非久駐。太平功業待伊臯。遼史南
京折津府本古冀州之地。高陽氏謂之幽陵。陶唐曰幽都有虞。折爲幽州。

商併幽於冀。周分并爲幽。職方東北幽州山鎮。醫巫閭澤藪。騶養川河。涉浸。蓄特其利魚鹽。其畜馬牛豕。其穀黍稷。武王封太保奭于燕。泰以其地爲漁。歸上谷。右北平。遼西。東五郡。漢爲燕國。歷封臧荼。盧綰。劉建。劉澤。劉且常。置涿郡。廣陽國。後漢爲廣平國。廣陽郡。或合于上谷。復置幽州。後周置燕。及范陽郡。隋爲幽州總管。唐置大都督府。改范陽節度使。安祿山史思明。李懷仙。朱滔。劉怱。劉濟。相繼割據。劉總歸唐。至張仲武。張元仲。以上得民。劉仁恭父子僭爭。遂入五代。自唐而晉。高祖以遼有援力之勞。割幽州等十六年以獻。太宗升爲南京。又曰燕京。城方三十六里。崇三丈。衡廣一丈五尺。敵樓戰櫓具八門。東曰安東。迎春。南曰開陽。丹鳳。西曰顯西。清晉。北曰通天。拱辰。大內在西南隅。皇城內有景宗。聖宗御容殿二。東曰宣和。南曰大內。內門曰宣教。改元和。外三門曰南端。左掖。右掖。左掖改萬春。右掖改千秋。門有樓閣。毬場在其南。東爲永平館。皇城西門曰顯西。設而不開。北曰子北。西城頗有涼殿。東北隅有燕角樓。坊市廨舍寺觀。蓋不勝書。其外有居庸松亭榆林之關。古北之口。桑乾河。高粱河。石于河。大安山。燕山。中有瑤輿。府曰幽都軍。號盧龍。開泰元年。落年額。統州六縣十一。兵衛志。南京析津府統縣十。轄軍府州城九。有丁五十六萬六千。金史地理。

志南京路國初曰汴京貞元元年更號南京府三領節鎮三防禦八刺史
郡八縣一百五都城門十四曰開陽曰宣仁曰安利曰平化曰道遠曰宜
照曰利川曰崇德曰迎秋曰廣澤曰順義曰迎朔曰順常曰廣智宮城門
南外門曰南薰南薰北新城門曰豐宜橋曰龍津橋北門曰丹鳳其門三
丹鳳北曰舟橋橋少北曰文武樓遵御路而北橫街也東曰太廟西曰郊
社正北曰承天門其門五雙闕前引東曰登聞檢院西曰登聞鼓院檢院
東曰左掖門門南曰待漏院鼓院西曰右掖門門南曰都堂直承天門北
曰大慶門門東曰日精門又東曰左昇平門大慶門西曰月華門又西曰
右昇平門正殿曰大慶殿前有龍墀又南有丹墀又南曰沙墀東廡曰嘉
福樓西廡曰嘉瑞樓大慶後曰德儀殿殿東曰左昇龍門西曰右昇龍門
正門曰隆德內有隆德殿有蕭牆有丹墀隆德殿左曰東上閣門右曰西
上閣門皆南向鼓樓在東鍾樓在西隆德之次曰仁安門仁安殿東則內
侍局又東曰近侍局又東則嚴祗門宮中則稱曰撒合門少南曰東樓則
授除樓也西曰西樓仁安之次曰純和殿正寢也純和西曰雪香亭亭北
則后妃位也有樓樓西曰瓊香亭亭西曰涼位有樓樓北少西曰玉清殿
純和之次曰福寧殿殿後曰苑門內曰仁智殿有二太湖石左曰數錫神

運萬歲峯右曰玉京獨秀太平巖殿曰山莊其西南曰翠微閣苑門東曰
僊韶院院北曰翠峯峯之洞曰大滌湧翠東連長生殿又東曰湧金殿又
東曰蓬萊殿長生西曰浮玉殿又西曰瀛洲殿長生殿南曰闕武殿又南
曰內藏庫嚴祇門東曰尚食局又東曰宣徽院院北曰御藥院又北右藏
庫東則左藏庫宣徽院東曰點檢司司北曰秘書監又北曰學士院又北
曰諫院又北曰武器署點檢司南曰儀鸞局又南曰尚輦局宣徽院南曰
拱衛司又南曰尚衣局其南爲繁禧門又南曰安泰門門與左昇龍門相
直東則壽聖宮兩宮太后位也本明俊殿試進士之所宮北曰徽音院又
北曰燕壽殿殿坦後少西曰振肅衛司東曰中衛尉司儀鸞局東曰小東
華門更漏在馬中衛尉司東曰祗肅門少東南曰將軍司徽音壽聖東曰
太后苑苑殿曰慶春與燕壽殿並小東華門與正東華門對東華門內正北
尚廐局其西北曰臨武殿左掖門北尚食局南曰宮苑司其西北尚輿局
湯藥局侍儀司少西曰符寶局器物局又西則撒合門也嘉瑞樓西曰三
廟正殿曰德昌東曰文昭西曰光興德昌後宣宗廟也宮西門曰西華與
東華相直北門曰安貞洪武志輿地志云鍾山古金陵山也縣邑之名由
此而立建康實錄云楚威王築城石頭置邑以其地接華陽金壇之陵故

號金陵於天文其星斗牛其次星紀秦始皇三十六年以金陵爲鄣郡治故鄣三十七年東遊還過吳從江乘渡望氣者言五百年後金陵有天子氣因鑿鍾阜斷金陵長隴以通流至今呼爲秦淮乃改金陵邑爲秣陵縣諸葛亮所謂鍾山龍盤石城虎踞真帝王之宅漢承三代舊制置揚州統丹陽郡所領縣邑有今浙西浙東二道及浙東道之半吳晉宋齊梁陳代加分割隋立蔣州唐以隸潤州又改昇州管屬始隘於舊南唐建金陵府縣邑猶更屬不常宋初爲江寧府改建康府始定有江寧上元句容溧水溧陽之地東西二百三十五里南北四百六十里東抵鎮江東南抵常州南抵寧國西南抵太平西抵和州西北抵真州以大江中流爲界本朝應運肇基應天府實星紀斗牛之分且與三統之正相協自周以來數

十年間

帝王之運適符於今豈非曆數耶應天府志府境古揚州之域周顯王特越滅吳置金陵邑秦改爲秣陵縣漢爲丹陽郡地建安十七年改秣陵曰建業三國吳建都于此晉永嘉元年琅邪王睿鎮建業建興初避愍帝諱改建康元帝建都于此宋齊梁陳皆因之號京輦神臯隋平陳置蔣州治石頭唐爲揚州又改江寧又改昇州吳改金陵府南唐建都于此以爲西都

昇州江寧府宋爲江寧府高宗建炎二年改曰建康府紹興二年以府治爲行宮號行都元至元十二年開行中書省後改建康路天曆二年以文宗儲邸改曰集慶路

大明丙申年改應天府洪武元年立南京北京詔曰奉天承運

皇帝詔曰朕建邦基以成大業興王之根本爲先居中夏而治四方立國之規模至重自趙宋末世夷狄入主中國今百有餘載其運乃終羣雄紛爭未見有定于一者民遭塗炭亦已極矣朕以布衣當擾攘之際拔身戎伍率衆渡江

天地眷佑

祖宗積德臣下宣忠三軍用命西平陳友諒東滅張士誠南靖閩廣北有中原武功大集混一之勢已成十七年間糧儲軍須百物料徵頻煩尤甚民無休息者皆江左一方受供給之繁遂致天下收平寧之效民初有助於朕其可忘乎頃幸大梁詢及父老皆曰昔聖人居中國而治四夷天下咸服朕觀中原土壤四方朝貢道里適均父老之言乃合朕志可不從乎然立國之規模固大而興王之根本不輕以金陵大梁爲南北京朕於春秋往

來巡狩駐守播告爾民使知朕意至於立

宗社建宮室定朝市南京既以創置矣北京其令有司次第舉行於戲江左開

基立四海永清之本中原圖治廣一視同仁之心故茲昭示想宜知悉
洪武京城圖志春坊贊善王俊華圖志序天地定位山川啓奧區之秘
宅中考卜河嶽壯金湯之固況乎神聖聖壤其所蓄也深則其待於今也大

聖人應期啓運故天發其藏地闢其會而體國經野之制固有以軼豐鎬而跨
兩京者矣金陵控扼吳楚天整繚其西北連山拱其東南而龍蟠虎踞之
勢昔人之言蓋不誣也孫吳始創居之六朝南唐雖代有其地然而疆域
之廣未極其盛者意者天之所兆正有資於今日以啓一代王業之隆也
歟歲壬辰癸巳間天厭元德群雄並起

皇上龍興淮甸天戈南指吳越首入版圖乃默與神謀即定都于是辨方正位
立洪基造丕闕而郊鄒之鼎以定山若增而高水若增而深回抱環合獻
奇貢異而榮光佳氣與斗牛星紀並麗乎太微帝車之間何其偉耶樹本
既固乃命將出師披山東下河南拔潼關而守之遂北摧幽燕西臨汾晉
入陝右盡有秦隴之地凡元之餘燼皆來請命于庭故交廣之墟羌焚之

聚推結弁裳之區山樺海航咸奉琛致貢方軌畢至而京師之壯增飾崇麗輪蹄交集絲管喧競歲時士女填郭隘郭其宏盛氣象度越今古豈區區偏方閭位之可媲美哉雖然

皇上經營締構蓋已極其盛矣然而遐方遠裔未覩其勝無以知

聖謨經綸之至爰詔禮曹命畫者貌以爲圖毫分縷折街衢巷隧之列橋道亭臺之施名賢祠屋之嚴邃王侯第宅之華好呈陳基布地有顯晦而沿革不同名有古今而表著無異凡所以大一統之規模者可以一覽而盡得之矣圖成并鈐諸梓且摹之以徧示四方使天下之人足跡未嘗一至者皆得視其勝槩亦若聞和鑾之音望屬車之塵於鈞陳豹尾間也大矣哉皇上之英謀偉略何其深且至耶臣俊華遭際

明時庇職春坊謹拜手稽首而言曰自古聖帝明王之有天下也若夏殷之禪繼周漢之龍興唐宋之紹承莫不奮自西北徐起而有中土然後始得而制東南耳

皇上不階尺土乃以吳越之疆席卷中夏冰天丹雘之域雕題金齒斷髮文身之屬莫不重譯而至嘉禾靈草諸福之物史不絕書天命之所係屬如是大湛恩厚德亘千萬年

聖子神孫承承繼繼以保此無窮之基覽是圖者其尚有考於斯焉 又序詹事府丞杜澤

聖人代天理物爲億兆之君師定天下之大業宅形勝之都邑不偶然也如克舜禹都冀成湯居商周都豐鎬洛邑漢唐闕中有宋居汴是皆統一海內以安黎庶此可見天降聖人有造設默定之意焉欽惟

皇上當元綱解紐之際會

上天更運之時應天順人特起中夏定都江左四征弗庭勝兵西上陳虜殲滅揚旗姑蘇張氏面縛天兵北討中原以清掃腥羶於幽朔殄么麼於蜀都群孽盡消京畿已固所謂大明當天而燭大熄也伏惟

皇上神聖聰明深謀遠略建泰山不拔之基爲萬世無窮之計詳內略外經營邑都其龍蟠虎踞之勢長江衛護之雄群山拱翼之嚴此天地之所造設也若乃紫微臨

金闕煌煌黃道分玉街坦坦城郭延袤市衢有條六卿居左經緯以文五府處西鎮靜以武如十廟以祀忠烈十樓以待嘉賓此

皇上之所經制也以此觀之京師天下之本萬邦輻輳重譯來庭四海之所依歸萬民之所取正非遠代七朝偏據一方之可侔也

皇上萬幾之暇命工繪圖昭示天下臣叨近侍之列仰瞻
天日之光幸觀斯圖不勝感戴一披而金陵形勝了然心目之間非若前代所

觀徒有其名而莫能考其實也嗚呼盛矣哉因拜手稽首繫之以詩曰地
闢天開金陵大哉帝居允諧鍾山巍巍

聖德光輝奄有九圍大江滔滔

聖德深高地載天包鍾山蒼蒼大江洋洋

聖德隆昌自西自東朔南承風車書混同天命諄諄

聖子神孫萬萬年春愚臣拜手

聖皇萬壽天

長地久

原书缺页

原书缺页